

O'zbekiston Respublikasi Samarqand davlat arxitektura-qurilish instituti xodimlarining korrupsiyaviy xatti-harakatlari va odob-axloq qoidalarini buzish holatlariustidan xizmat tekshiruvlari o'tkazish bo'yicha

REGLAMENT

I. Umumiy qoidalar.

1. Mazkur Reglament Samarqand davlat arxitektura-qurilish institutida (keyingi o'rnlarda – Institut) xodimlar tomonidan O'zbekiston Respublikasining korrupsiyaga qarshi kurashishga oid qonunchiligi yoki korrupsiyaga qarshi kurashishga oid ichki idoraviy hujjatlarini buzilishiga nisbatan xizmat tekshiruvini (keyingi o'rnlarda – Xizmat tekshiruvi) o'tkazishni belgilovchi ichki idoraviy hujjati hisoblanadi.

2. Mazkur Reglament quyidagi maqsadlarda ishlab chiqilgan:

- institutda xizmat tekshiruvi o'tkazishga yagona yondashuvni belgilash;
- xizmat tekshiruvi o'tkazish jarayoni va natijalarini hujjatlashtirish talablarini belgilash;
- institutda qoidabuzarliklar sodir etish, unga ziyon yetkazishga olib keladigan sabab va shartlarni aniqlash va bartaraf qilish;
- institutda qabul qilingan ichki hujjatlar va nazorat taomillaridagi kamchiliklarni aniqlash va kelgusidagi qoidabuzarliklarga yo'l qo'ymaslik maqsadida ularni bartaraf qilish bo'yicha tavsiyalarni ishlab chiqish;

Institut xodimlari qo'llanilayotgan qonunchilik talablarini buzganlik uchun javobgarlikka tortilishi xavfini kamaytirish.

3. Xizmat tekshiruvida ishtirok etayotgan institut xodimlariga ushbu Reglament bilan o'rnatilgan talablarga rioya qilinishi uchun shaxsiy javobgarlik yuklatiladi.

4. Institutdagi xizmat tekshiruvi quyidagi tamoyillar asosida o'tkaziladi:
qonuniylik:

- institut xodimlarining huquq, erkinliklari va qonuniy manfaatlariga rioya qilish;
- fuqarolar huquq va erkinliklarinini ta'minlash va himoya qilish;
- xizmat tekshiruvi o'tkazishda olingan axborot va materiallarning konfidensialligi;
- institut xodimlari tomonidan xizmat tekshiruvi o'tkazishdagi shaffoflik, halollik, kollegiallik, betaraflik va xolislik;

xizmat tekshiruvi olib borilayotgan institut xodimning aybsizlik prezumpsiyasi.

II. Xizmat tekshiruvni tayinlash.

5. Xizmat tekshiruvi institut xodimlari tomonidan O'zbekiston Respublikasining korrupsiyaga qarshi kurashishga oid qonunchiligi yoki korrupsiyaga qarshi kurashishga oid ichki idoraviy hujjatlarining buzilganligi to'g'risidagi asosli ma'lumotlar mavjud bo'lganda tayinlanadi.

6. Bunday ma'lumotlar quyidagi manbalardan kelishi mumkin:

- institut xodimlarining yozma yoki og'zaki shakldagi bevosita rahbari yoki boshqa vakolatli shaxsga bergen ma'lumoti;
- jismoniy va yuridik shaxslarning institutning aloqa kanallariga yuborgan xabarlar, shu jumladan, anonim xabarlar;
- jismoniy va yuridik shaxslarning murojaatlari;
- ommaviy axborot vositalaridagi, shuningdek, ijtimoiy tarmoqlardagi ma'lumotlar;

- o'tkazilgan so'rovnama, shu jumladan, ijtimoiy va statistik tadqiqotlar natijalari bo'yicha olingan ma'lumotlar;
- ichki audit va moliyaviy nazorat bo'linmalari, shuningdek, davlat moliyaviy nazorat organlari va O'zbekiston Respublikasi Hisob palatasining xulosalari;
- korrupsiyaga qarshi kurashish "Komplaens-nazorat" tizimini boshqarish bo'limi tomonidan korrupsiyaga qarshi ichki talablar monitoringi va ularga rioya qilish ustidan nazorat natijalari;
- O'zbekiston Respublikasi Prezidenti, Vazirlar Mahkamasi va davlat hokimiyatining boshqa organlarining topshiriqlari;
- boshqa kanallar orqali kelib tushgan korrupsiyaviy xarakterdagi xabarlar.

7. Quyidagilar Xizmat tekshiruvi tashabbuskorlari bo'la oladi:

- institut rahbari va uning o'rribbosarlari;
- bo'limlar rahbarlari va ularning o'rribbosarlari;
- institutning Odob-axloq komissiyasi;
- Korrupsiyaga qarshi kurashish "Komplaens-nazorat" tizimini boshqarish bo'limi (korrupsiyaga qarshi kurashishga mas'ul xodimdar);
- institut ichki audit va moliyaviy nazoratga javobgar tarkibiy bo'lim rahbari;
- institut tizimining yuridik xizmati rahbari;

Institutning kadrlar bilan ishlovchi bo'lim mutaxassislari.

8. Korrupsiyaviy xatti-harakatlar to'g'risida mazkur Reglamentning 6-bandida ko'rsatilgan manbalardan kelib tushgan har qanday ma'lumotga nisbatan ichki nazorat tuzilmasi xizmat tekshiruvi o'tkazish uchun yetarli asos va ma'lumotlar mavjudligi, shuningdek, kelib tushgan ma'lumotning institut xodimlariga aloqasi bor-yo'qligini aniqlash nuqtai nazaridan dastlabki tekshiruv va tahlil qilishni amalga oshiradilar.

9. Bunda ustidan xizmat tekshiruvi o'tkazilishi mumkin bo'lgan yoki manfaatlar to'qnashuvi mavjud bo'lgan xodimlarni dastlabki tekshiruv jarayoniga jalb qilish taqiqlanadi.

10. Dastlabki tekshiruv tegishli ma'lumot kelib tushgan kundan boshlab 10 (o'n) kundan ortiq bo'limgan muddatda o'tkaziladi.

11. Dastlabki tekshiruv, xizmat tekshiruvi hisoblanmaydi.

12. Agar dastlabki tekshiruv natijalari bo'yicha institutga aloqador bo'lgan qoidabuzarlik sodir etilgani, sodir etilishi mumkin bo'lgani yoki sodir etilayotganini tahmin qilishga asos borligi aniqlansa, u holda Korrupsiyaga qarshi kurashish "Komplaens-nazorat" tizimini boshqarish bo'limi institut rahbari nomiga yozma xizmat xabarini jo'natadi.

13. Agar xizmat tekshiruvi institut rahbari yoki uning o'rribbosarlariga nisbatan tayinlangan bo'lsa, xizmat xabari institutda rahbarning nomiga yoziladi.

14. Agar xizmat tekshiruvi institut rahbari yoki uning o'rribbosarlariga nisbatan tayinlangan bo'lsa, (O'zbekiston Respublikasi qonunchiligi va institutning ichki hujjatlarida ko'zda tutilgan korrupsiyaviy xatti-harakatlar, shu jumladan manfaatlar to'qnashuvini yashirishga oid holatlarni sodir etganlikda gumon qilingan hollarda) u holda tegishli ma'lumotlar Korrupsiyaga qarshi kurashish "Komplaens-nazorat" tizimini boshqarish bo'limi tomonidan o'rnatilgan tartibda O'zbekiston Respublikasi huquqni muhofaza qilish organlariga yuboriladi.

15. Institut rahbari xizmat xabari olingan kundan boshlab 3 (uch) ish kunida xizmat tekshiruvi o'tkazish yoki o'tkazmaslik to'g'risida qaror (buyruq) qabul qiladi.

16. Institut rahbari xizmat xabariga asosan tegishli materiallarni O'zbekiston Respublikasi huquqni muhofaza qilish organlariga xizmat tekshiruvi o'tkazmasdan taqdim etish to'g'risida qaror qabul qilishi mumkin.

17. Xizmat tekshiruvi o'tkazish to'g'risida qaror qabul qilish bilan bir vaqtda institut rahbari xizmat tekshiruvi o'tkazish bo'yicha ishchi guruh rahbarini tayinlaydi va unga ishchi

guruh tarkibini shakllantirishni va xizmat tekshiruvni o'tkazish to'g'risida buyruq tayyorlash vazifasini topshiradi.

18. Xizmat tekshiruvi o'tkazish to'g'risidagi buyruqda quyidagilar ko'rsatiladi:

- xizmat tekshiruvi predmeti (mavzusi);

- xizmat tekshiruvi o'tkazilishiga asos bo'lgan sabab yoki vaziyat;

- xizmat tekshiruvi o'tkazishga sabab bo'lgan qoidabuzarlikni sodir etishda gumonlanayotgan xodim (lar), u (lar)ning FISH va lavozimi (Bo'lim, bo'lim) nomi ma'lum bo'lsa;

- xizmat tekshiruvini o'tkazish uchun mas'ul bo'lgan ishchi guruh tarkibi;

- ishchi guruh a'zolari va rahbarining huquq va majburiyatları;

- xizmat tekshiruvini o'tkazish va natijalarni taqdim etish muddati.

19. Xizmat tekshiruvi o'tkazish to'g'risidagi buyruq loyihasi institut rahbariga imzolash uchun xizmat tekshiruvi o'tkazish to'g'risidagi qaror qabul qilingan sanadan boshlab 3 kun ichida taqdim etilishi kerak.

III.Xizmat tekshiruvi o'tkazish bo'yicha ishchi guruh tuzish.

20. Xizmat tekshiruvini o'tkazish bo'yicha ishchi guruh tarkibi, ishchi guruh rahbari taklifiga asosan tuziladi, qoida tariqasida unga ichki nazorat tuzilmalari, kadrlar bilan ishlovchi bo'linmalar, yuridik xizmat, ichki audit, Korrupsiyaga qarshi kurashish "Komplaens-nazorat" tizimini boshqarish bo`limlari hamda lavozim majburiyati xizmat tekshiruvi predmeti bo'lган yoki shunga yaqin bo'lgan boshqa bo'linmalar xodimlari kiritilishi mumkin.

21. Tarkibiy bo'limlar tomonidan tashkil etilgan ishchi guruh tarkibiga institutning xodimlari kiritilishi mumkin.

22. Quyidagi xodimlar ishchi guruh tarkibiga kiritilmaydi:

- xizmat tekshiruvi o'tkazilayotgan xodimning yaqin qarindoshlari;

- xizmat tekshiruvi o'tkazilayotgan xodimning bevosita bo'ysinuvidagi xodim;

- xizmat tekshiruvi o'tkazilayotgan xodimning bevosita rahbari (institut rahbari bundan mustasno);

- xizmat tekshiruvi o'tkazilayotgan yo'nalishni boshqarayotgan institutda rahbarning o'rnbosarlari;

- tekshiruv yakunidan bevosita yoki bilvosita manfaatdor ekanligi haqida gumondor (masalan birga ta'lim olgan, bir hududdan bo'lgan, ishqiy munosabatlarda, xizmat tekshiruvi o'tkazilayotgan xodim bilan oshkora ziddiyatga ega va h.k.) bo'lgan boshqa xodimlar.

23. Ishchi guruhnasi shakllantirish uchun mas'uliyat ishchi guruh rahbari zimmasida bo'ladi. U mazkur Reglamentning 22-bandida ko'rsatilgan potensial manfaatlar to'qnashuvi holati mavjudligi bo'yicha guruh a'zolarini tekshirishi shart.

IV.Xizmat tekshiruvini o'tkazish

24. Xizmat tekshiruvi tegishli buyruq imzolagan sanadan boshlab 30 kundan ortiq bo'lмаган muddatda o'tkazilishi kerak.

25. Agar xizmat tekshiruvi jarayonida 24-bandda ko'rsatilgan muddatlarning uzayishiga olib keladigan qo'shimcha tartib-taomillar (shu jumladan, xodimlar va boshqa shaxslar orasida qo'shimcha so'rovnama o'tkazish) o'tkazilishi, qo'shimcha hujjatlarni so'rab olish talab etilsa, u holda ishchi guruh rahbari bu haqda ma'lum bo'lishi bilan majburiy tartibda, xizmat tekshiruvi to'g'risidagi buyruqni imzolagan rahbarni xabardor qiladi. Bunday holatlarda, xizmat tekshiruvini o'tkazish muddatlari 30 (o'ttiz) kalendar kunidan ortiq bo'lмаган muddatga uzaytirilishi mumkin.

26. Xodim ustidan xizmat tekshiruvi o'tkazilayotgan vaqtida o'zi ishtirok etmasa (ta'til, kasallik, xizmat safari va boshqalar), u vaqtincha to'xtatiladi, uning muddati esa avtomatik tarzda ushbu xodim yo'q bo'lgan davrga uzaytiriladi.

Agar xodim 30 (o‘ttiz) kalendar kunidan ortiq muddatga yo‘q bo‘lgan yoki xizmat tekshiruvida ishtirok etishdan boshqa usul bilan bosh tortgan holda, xizmat tekshiruvi institut rahbari bilan kelishgan holda xodimning ishtirokisiz o‘tkazilishi mumkin va ushbu holat xizmat tekshiruvi natijalarida qayd etiladi.

27. Ustidan xizmat tekshiruvi o‘tkazilayotgan xodimga, ishchi guruh rahbarining tavsiyasiga asosan institutda rahbar buyrug‘i bilan ma’lum bir axborot tizimlari, muayyan hujjatlardan foydalanishga cheklov qo‘yilishi mumkin. Ushbu holatda qabul qilingan buyruq haqida, ustidan xizmat tekshiruvi o‘tkazilayotgan xodim, o‘sha kuniyoq buyruqqa imzo chektirilgan holda tanishtiriladi. Buyruq bilan tanishish rad etilgan holda bu haqida ishchi guruh rahbari tomonidan dalolatnomaga tuziladi.

28. Xodimga nisbatan ma’lum bir axborot tizimlari, muayyan hujjatlardan foydalanishga cheklov qo‘yishga oid buyruq xizmat tekshiruvi o‘tkazishning muddatidan ortiq bo‘lmasi kerak.

V.Xizmat tekshiruvini o‘tkazish davomida o‘rganiladigan ma’lumotlar

29. Xizmat tekshiruvini o‘tkazish davomida ishchi guruh qoidabuzarlikka aloqador bo‘lgan ma’lumotlarni to‘plash, tahlil qilish va hujjatlashtirish ishlarini amalga oshiradi, shu jumladan:

- qoidabuzarlik, uni sodir etish sabablari nimada aks etadi;
- qoidalari buzilgan O‘zbekiston Respublikasi qonunchiligi va institutning ichki idoraviy hujjatlari talablari;
- qoidabuzarlikni sodir etish vaqt, joyi, usuli;
- qoidabuzarlikni sodir etishga jalb qilingan shaxslar doirasi (institut xodimlari bilan bir qatorda uchinchi shaxslar ham);
- qoidabuzarlikning og‘irlik darajasi;
- institut tizimiga yetkazilgan moddiy va nomoddiy, obro‘-e’tibor xarakteridagi zararning ko‘rinishi va ko‘lami;
- qoidabuzarlikni sodir etishga aloqador bo‘lishi mumkin bo‘lgan boshqa ma’lumotlar.

30. Xizmat tekshiruvini o‘tkazish davomida olinadigan ma’lumotlar manbasi quyidagilar bo‘lishi mumkin:

- ustidan xizmat tekshiruvi o‘tkazilayotgan xodim, institutdagi boshqa xodimlari, uchinchi shaxslarning yozma yoki og‘zaki tushuntirishlari;
- tasdiqlovchi hujjatlar (yozma va elektron shaklda);
- internet tarmog‘ining ommaviy tizimida joylangan axborot manbalarining ma’lumotlari;
- audioyozuvlari, foto- va video qaydlari;
- qoidabuzarlikka aloqador bo‘lgan boshqa materiallar.

31. Yuqorida sanab o‘tilgan barcha, shu jumladan konfidensial ma’lumotlar ishchi guruh tomonidan institut qabul qilingan barcha taomillarni qo‘llagan holda, shuningdek, institutning ichki hujjatlari va O‘zbekiston Respublikasi qonunchiligiga muvofiq olinishi va foydalanilishi kerak.

32. Institut xodimlari yoki jalb etilgan boshqa shaxslar bilan o‘tkazilgan suhbat jarayoni audio yoki video qayd qilinishi, suhbat to‘g‘risida bayonnomaga tuzilishi kerak (audio yoki video qayd xizmat tekshiruvi materiallariga qo‘sib qo‘yiladi).

Audio va video qaydni amalga oshirishdan oldin suhbat o‘tkazilayotgan shaxsning roziligi olinadi, rozilik bermasa audio va video qaydni amalga oshiruvchi uskunalaridan foydalanishga yo‘l qo‘yilmaydi.

33. Ustidan xizmat tekshiruvi o‘tkazilayotgan yoki boshqa xodimning suhbat yoki

tushuntirish berishdan bosh tortilgan hollarda ushbu Reglamentning 1-ilovasiga mos shaklda dalolatnomaga rasmiylashtiriladi.

34. Ishchi guruh rahbari mazkur xodimni dalolotnama bilan tanishganligini tasdiqlash uchun unga imzo qo'yishi zarurligi to'g'risida xabardor qiladi. Agar xodim hujjatga imzo qo'yishdan bosh tortsa, u holda ishchi guruh rahbari hujjatga tegishli belgi qo'yadi.

35. Ustdidan tekshiruv o'tkazilayotgan xodim tomonidan dalolotnomaga (yoki boshqa hujjatlarga) imzo qo'ymaslik unga nisbatan tegishli javobgarlik chorasini qo'llashdan ozod qilmaydi.

VI.Ishchi guruh rahbari va a'zolarining huquq va majburiyatlar.

36. Ishchi guruh rahbari xizmat tekshiruvining samaradorligi va natijasi, shuningdek, ishchi guruh a'zolarining mazkur Reglament bilan belgilangan talablarga amal qilishlari uchun mas'ul bo'ladi.

37. Xizmat tekshiruvi o'tkazish davomida ishchi guruh rahbari quyidagi vazifalarni amalga oshiradi:

- xizmat tekshiruvi o'tkazishning yo'nalishlari, amalga oshiriladigan tadbirlarni belgilaydi, ishchi guruh a'zolari oldiga vazifalar qo'yadi;

- ishchi guruh tomonidan xizmat tekshiruvi o'tkazilishini tashkillashtiradi va muvofiqlashtiradi;

- ishchi guruh tomonidan xizmat tekshiruvining ushbu Reglamentga muvofiq ravishda o'tkazilishini nazorat qiladi;

- suhbat o'tkazish, tushuntirish talab qilib olish zarur bo'lgan xodimlar ro'yxatini tuzadi;

- xizmat tekshiruvini xolis va samarali o'tkazish uchun zarur bo'lgan choralar ko'rlishini ta'minlaydi (masalan, Institut tizimidagi ma'lumotlarni yo'q qilish jarayonlarini to'xtatib turishni talab qiladi, tegishli xodimlarga nisbatan tekshiruv o'tkazilayotgan davrda ma'lum bir axborot tizimlari, muayyan hujjatlardan foydalanishga cheklov qo'yishni tavsiya qiladi, zaruriyat tug'ilganda tekshiruv o'tkazishning maksimal muddatlarini uzaytirish bo'yicha taklif tayyorlaydi va boshqalar.);

- institut rahbariga xizmat tekshiruvi natijalarining taqdim etilishini ta'minlaydi.

38. Xizmat tekshiruvini o'tkazishda ishchi guruh rahbari va a'zolari quyidagi huquqlarga ega:

- institut xodimlari bilan suhbat o'tkazish, tushuntirish xati olish, tekshiruv mohiyati to'g'risida ma'lumotga ega bo'lishi mumkin bo'lgan uchinchi shaxslar, shuningdek, tashqi ekspertlarni ularning roziligi bilan xizmat tekshiruvi jarayoniga taklif qilish. Uchinchi shaxslar va tashqi ekspertlarni jalb qilish masalasi Institut tizimi rahbari bilan kelishilishi shart;

- suhbatni yozma shaklda yoki zaruriyat tug'ilganda tushuntirish berayotgan shaxsning roziligi bilan audio va video qayd etuvchi uskunalar qo'llash bilan qayd etishni amalga oshirish;

- institut xodimlaridan xizmat tekshiruviga aloqador bo'lishi mumkin bo'lgan materiallarni olish;

- institut mulkining bus-butunligini xatlov va taftishdan o'tkazish;

- o'tkazilayotgan xizmat tekshiruvi doirasida o'z lavozim majburiyatlarini bajarish uchun foto va video qaydlarni amalga oshirish.

39. Ishchi guruh rahbari va a'zolari majburiyatlar:

- xizmat tekshiruvini o'tkazishda ushbu Reglament, institutining boshqa ichki hujjatlari va O'zbekiston Respublikasi qonunchiligi talablariga amal qilish;

- xizmat tekshiruvi mohiyati bo‘yicha mavjud barcha materiallarni to‘plash;
- xizmat tekshiruvi maqsadlari uchun ahamiyatga ega bo‘lgan ma’lumotlarning (hujjatlar, elektron ma’lumotlar va b.) butligini saqlash bo‘yicha choralar ko‘rish;
- mazkur Reglament, institutning boshqa ichki hujjatlari va O‘zbekiston Respublikasi qonunchiligidagi ko‘zda tutilgan holatlardan tashqari xizmat tekshiruvi o‘tkazish doirasida olingan ma’lumotlarning mutlaqo konfidensialligini saqlash va oshkor qilmaslik;
- mazkur Reglament talablariga muvofiq ravishda tekshiruv natijalarini rasmiylashtirish, shu jumladan, javobgarlik choralar, shuningdek, qoidabuzarlik sabablari va qoidabuzarlikni sodir etishga turtki bo‘lgan shartlarni bartaraf qilish imkonini beradigan choralarни qo‘llash bo‘yicha takliflar ishlab chiqish.

VII.Ustidan xizmat tekshiruvi o‘tkazilayotganxodimlarning huquqlari

40. Ustidan xizmat tekshiruvi o‘tkazilayotgan xodim quyidagi huquqlarga ega:
- xizmat tekshiruvi o‘tkazish fakti to‘g‘risida xabardor bo‘lish;
 - qoidabuzarlikning sodir etilishi sabablari va sharoitlari, xizmat tekshiruvining borishi haqida o‘z fikr-mulohazalarini ifodalash huquqi bilan yozma va og‘zaki tushuntirishlar berish, shuningdek, uning tushuntirishlarini tasdiqlashi mumkin bo‘lgan isbot-dalillarni taqdim etish;
 - tushuntirishlar taqdim etishdan bosh tortish – bu holda ushbu Reglamentning 33-bandida ko‘zda tutilgan dalolatnoma tuziladi;
 - o‘zi tomonidan taqdim etilgan, o‘tkazilayotgan xizmat tekshiruvi, xizmat tekshiruvi materiallariga aloqador bo‘lgan hujjatlarga qo‘sib qo‘yishni talab qilish;
 - xizmat tekshiruvi tugaganligi to‘g‘risidagi xabarni olish va bunday xabar olingandan keyin 2 (ikki) kun ichida xizmat tekshiruvi ma’lumotnomasining unga tegishli qismi bilan u tasdiqlanishiga qadar tanishish (u foydalanish va o‘z mulohazalarini qo‘sib qo‘yish huquqiga ega bo‘lmagan konfidensial axborotdan tashqari);
 - xizmat tekshiruvi natijalaridan, shu jumladan, ishchi guruh tomonidan tekshiruv yakunlari bo‘yicha taklif etilgan javobgarlik choralaridan norozi bo‘lgan taqdirda ushbu qaror ustidan institut rahbariga yoki yuqori turuvchi idoralarga shikoyat qilish.

VIII.Xizmat tekshiruvini o‘tkazishga jalb qilinadigan boshqa xodimlarning huquq va majburiyatları

41. Xizmat tekshiruvini o‘tkazishga jalb qilinadigan xodimlar xizmat tekshiruvini o‘tkazishda ishchi guruhga har tomonlama ko‘mak berish, shu jumladan, xizmat tekshiruvi bo‘yicha talab qilingan tushuntirishlar, ma’lumot va hujjatlarni berishlari, ishchi guruh a’zolari tomonidan tashkil etiladigan suhbatda ishtirop etishlari shart.

42. Xizmat tekshiruvini o‘tkazishga jalb qilinayotgan xodimlar ularning tekshiruvda ishtirop etishlari sababli ularga ma’lum bo‘lgan xizmat tekshiruvi ma’lumotlarini oshkor qilishga xaqli emaslar.

43. Xizmat tekshiruvini o‘tkazishga jalb qilinayotgan xodimlar quyidagi huquqlarga ega: o‘zlarini va yaqin qarindoshlarga qarshi guvohlik bermaslik;

institut rahbariga ishchi guruh rahbari va a’zolarining harakatlari (harakatsizligi) ustidan shikoyat qilish.

IX. Xizmat tekshiruvi natijalarini rasmiylashtirish

44. Xizmat tekshiruvi natijalari bo‘yicha ishchi guruh rahbari, uning barcha a’zolari, xizmat tekshiruvi o‘tkazilayotgan xodim tomonidan imzolanadigan ma’lumotnomaga tuziladi.

45. Ma’lumotnomaga mazkur Reglamentga 2-ilovaga muvofiq shaklda tuzilib, kirish, bayon, xulosa va taklif qismidan iborat bo‘ladi.

46. Ma’lumotnomaga yoki uning alohida bandlaridan norozi bo‘lgan, ishchi guruh a’zosi shuningdek ustidan xizmat tekshiruvi o‘tkazilayotgan shaxs yozma ravishda rasmiylashtirilgan va ishga tirkalgan holda alohida fikrda ekanligini bildirgan belgi bilan ma’lumotnomaga imzo

qo‘yishi mumkin.

47. Ustidan xizmat tekshiruvi o‘tkazilayotgan shaxs ma’lumotnomaga imzo qo‘yishdan bosh tortgan hollarda dalolotnomaga rasmiylashtiriladi. Ushbu dalolotnomaga ishchi guruh a’zolaridan tashqari, xizmat tekshiruvi natijalaridan manfaatdor bo‘lmagan kamida ikki nafar shaxs imzo qo‘yishi lozim.

48. Ma’lumotnomaga asosan institut rahbar quyidagi qarorlarni qabul qilishi mumkin:

- Qoidabuzarlik to‘g‘risidagi ma’lumot tasdiqlanmaganligi munosabati bilan xizmat tekshiruvi to‘xtatish;

- sabablar va muddatlari ko‘rsatilgan holda xizmat tekshiruvi materiallarini qo‘shimcha ishslash uchun, zaruriyat tug‘ilganda esa – ishchi guruh tarkibini o‘zgartirish uchun qaytarish;

- aybdor xodimni intizomiy javobgarlikka tortish;

- xodimga nisbatan ogohlantirish, profilaktik xarakterdagi choralarini qo‘llash;

- kelgusida shu kabi qoidabuzarliklar sodir bo‘lishining oldini olish bo‘yicha tegishlichora-tadbirlarni ishlab chiqish;

- huquqbazarlik yoki jinoyat alomatlari tasdiqlangan holda, tegishli materiallarni huquqni muhofaza qilish organlariga taqdim etish.

49. Xizmat tekshiruvi natijalari to‘g‘risidagi ma’lumotnomaga qarshi kurashish “Komplaens-nazorat” tizimini boshqarish bo‘lim bo‘lim hamda xodimlar bilan ishlovchi tarkibiy bo‘limlarga taqdim etiladi.

50. Xizmat tekshiruvi o‘tkazilishiga sabab bo‘lgan ma’lumot haqida xabar bergen shaxslar qoidabuzarlik tasdiqlangani yoki tasdiqlanmagani, shuningdek ko‘rilgan choralar haqida umumiy tarzda xabardor qilinadi.

X. Xizmat tekshiruviga oid hujjatlarni saqlashva ulardan foydalanish

51. Xizmat tekshiruvida ishtirop etayotgan institut xodimlari tekshiruv davomida ularga ma’lum bo‘lgan axborotning konfidensialligini ta’minlaydilar (O‘zbekiston Respublikasi qonunchiligidida ko‘zda tutilgan holatlar bundan mustasno).

52. O‘tkazilgan xizmat tekshiruvi doirasidagi ma’lumotlardan vakolatli foydalanish huquqiga faqat institut rahbari, Korrupsiyaga qarshi kurashish “Komplaens-nazorat” tizimini boshqarish bo‘limi tuzilmasi va ishchi guruh a’zolari (mazkur ishchi guruh a’zosi ishtirop etgan tekshiruvlar bo‘yicha) ega.

53. O‘z lavozim vazifalarini bajarish uchun o‘tkazilgan xizmat tekshiruvlari haqidagi axborotdan foydalanishi zarur bo‘lgan xodimlar, ushbu axborotdan foydalanishi uchun institut rahbarining yozma roziligidini olishi lozim.

54. Xizmat tekshiruviga oid materiallar ishchi guruh rahbari tomonidan alohida yig‘majildga raqamlangan va tikilgan holda Korrupsiyaga qarshi kurashish “Komplaens-nazorat” tizimini boshqarish bo‘limi va xodimlar bo‘limiga topshiriladi.

55. Institutning Korrupsiyaga qarshi kurashish “Komplaens-nazorat” tizimini boshqarish bo‘limi ushbu vazifa yuklangan bo‘linmalar mazkur Reglamentga 3- ilovaga muvofiq shaklda xizmat tekshiruvlari elektron reestrini yuritilishini ta’minlaydi. Bo‘limlar o‘tkazilgan xizmat tekshiruvlari elektron reestrini har chorakda Korrupsiyaga qarshi kurashish “Komplaens-nazorat” tizimini boshqarish bo‘limiga taqdim etishlari shart.

56. Xizmat tekshiruviga oid barcha hujjatlari, agar boshqacha tartib O‘zbekiston Respublikasi qonunchiligidida ko‘zda tutilmagan bo‘lsa, tasdiqlangan vaqtidan boshlab 10 (o‘n) yil davomida saqlanishi lozim.

Samarqand davlat arxitektura-qurilish institutida
xodimlarning korrupsiyaviy xatti-harakatlari va odob-axloq
qidalarini buzish holatlari ustidan xizmat tekshiruvlari
o'tkazish bo'yicha Reglamentga
1-ilova

DALOLATNOMA

«____» _____ 20 ____-y.

Biz, quyida imzo qo‘yuvchilar

(FISH, lavozimi)

(FISH, lavozimi)

(FISH, lavozimi)

Xodim (FISH, lavozimi) 20_-yilning <-->da

,dan iborat bo‘lgan qoidabuzarlik sodir etilganligi to‘g‘risida yozma tushuntirish berish taklif etilgan bo‘lib, u yozma tushuntirish berishni rad etgani to‘g‘risida ushbu aktni tuzdik.

Yozma tushuntirish berishni rad etganligi sabablarini xodim (FISH, lavozimi) quyidagilar bilan izohladi

(tushuntirish berishni rad etganlik sabablari erkin shaklda bayon etilsin).

Dalolotnoma tuzgan shaxslar imzosi:

(imzo)

(FISH)

(jmzo)

(FISH)

(jmzo)

(FISH)

Dalolotnoma bilan tanishdim*: (FISH, lavozim, sana, imzo)

* Dalolotnomaga imzo qo'yishdan bosh tortsa, ishchi guruh rahbari «imzolashdan bosh tortdi» yozuvini kiritib, o'zi imzo qo'yadi.

Samarqand davlat arxitektura-qurilish institutida xodimlarning korrupsiyaviy xatti-harakatlari va odob-axloq qoidalarini buzish holatlari ustidan xizmat tekshiruvlari o'tkazish bo'yicha
Reglamentga
2-ilova

Xizmat tekshiruvi natijalari to'g'risida ma'lumotnomma

—son

1. Asos: Institut rahbarining buyrug'i (sana va raqami)

2. Ishchi guruh tarkibi:

Ishchi guruh rahbari _____
(lavozimi, familiyasi, ismi sharifi)

Ishchi guruh a'zolari _____
(lavozimi, familiyasi, ismi sharifi)

3. Xizmat tekshiruvini o'tkazilgan muddati:

4. Tekshiruv o'tkazish uchun asoslar (kelib tushgan xabarning qisqacha mazmuni): _____

5. Bayon qismi (xizmat tekshiruvida aniqlangan faktlar):

- qoidabuzarlik sodir bo'lganmi va u nimalarda ifodalangan;

- qoidabuzarlik sodir etilgan joyi, vaqt, usuli va qoidabuzarlikni sodir etishning boshqa sharoitlari;

Xizmat tekshiruvi o'tkazilayotgan xodim(lar)ning ma'lumotlari (FISH, lavozimi, (tuzilmaviy bo'linma nomi (Bo`lim, bo`lim nomini ko'rsatgan holda), mehnat shartnomasi tuzilgan sana, ushbu xodimiga nisbatan Xizmat tekshiruvi avval ham o'tkazilganmi?);

- qoidabuzarlikni sodir etishga aloqador bo'lgan shaxslar doirasi;

- qoidabuzarlikni sodir etish maqsadlari va sabablari;

- qoidabuzarlikni sodir etishga turtki bo'lgan sabab va shartlar;

- konkret xodimning aybdorligini tasdiqdlovchi yoki uning aybsizligiga guvohlik beruvchi to'plangan ma'lumotlar tahlili;

- Xizmat tekshiruvi o'tkazilayotgan xodimning o'z himoyasi uchun keltirgan dalillari, ularni tekshirishnatijalari.

6. Xulosa va takliflar:

a) xulosa qismida:

- xizmat tekshiruvi o'tkazilgan shaxs(lar)ning harakat(lar)ida (harakatsizligida) qoidabuzarlik mavjud yoki yo'qligi to'g'risida xulosa;

- qoidabuzarlik bo'lsa, talablari buzilgan O'zbekiston Respublikasi qonunchiligi yoki Institut tizimining ichki hujjatlari nomi, sanasi va buzilgan qoida mazmuni;

- qoidabuzarlik sodir etish natijasida yetkazilgan zarar xarakteri va ko'lami (mavjud bo'lsa);

b) taklif qismida

- aybdor shaxs (lar)ni javobgarlikka tortish bo'yicha takliflar;

- qoidabuzarlik sodir etishga olib keladigan sabab va shartlarni bartaraf qilishga qaratilgan tavsiyalar;

- xizmat tekshiruvi materiallarini huquqni muhofaza qilish organlariga taqdim etish zaruriyati.

Ishchi guruh a'zolari imzolari:

Ma'lumotnomma bilan tanishdim*:

(F.I.SH, lavozimi)

(imzo)

(sana)

Ma'lumotnomaga imzo qo'yishdan bosh tortsa, ishchi guruh rahbari «imzolashdan bosh tortdi» yozuvini kiritib, o'zi imzo qo'yadi.

Samarqand davlat axitektura-qurilish institutida, xodimlarning korruptsiyaviy xatti-harakatlari va odob-axloq qoidalarini buzish holatlari ustidan xizmat tekshiruvlari o'tkazish bo'yicha Reglamentga
3-ilova

Xizmat tekshiruvlari elektron reestri

T/r												
Xizmat tekshiruvi o'tkazish to'g'risidagi buyruq raqami va sanasi												
O'tkazilgan xizmat tekshiruvi natijalari to'g'risidagi ma'lumotnomaga raqami va sanasi												
Xizmat tekshiruvi o'tkazish davri												
Ishchi guruh tarkibi												
Qoidabuzarlik to'g'risidagi axborot kelib tushgan manba												
Xizmat tekshiruvi o'tkazish yo'nalishlarining qisqacha ta'rifi												
Tekshiruv natijalarining qisqacha ta'rifi												
Aniqlangan aybdor shaxslar ro'yxati												
Tekshiruv natijalari bo'yicha tasdiqlangan choralar												
Muddatlar va ijro uchun mas'ul												
Amalda bajarilganlik to'g'risidagi axborot												
1	2	3	5	6	7	8	9	10	11	12	13	
1												
2												
3												
4												
5												
...												